



Broj: 05-JN1-16-4-TB-14-19/26

Sarajevo, 12.03.2026. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktorica Direkcije za evropske integracije

d o n o s i:

ODLUKU

o izboru najpovoljnijeg ponuđača

Član 1.

Na osnovu provedenog postupka nabavke putem otvorenog postupka za pružanje usluga održavanja OWIS informacionog sistema kao najpovoljniji ponuđač izabran je ponuđač ORKA d.o.o. Sarajevo po ukupnoj cijeni ponude od 14.400,00 KM bez PDV - a, sa kojim će se zaključiti Ugovor za predmetnu nabavku.

Član 2.

Ova Odluka će se objaviti na internet stranici Direkcije za evropske integracije te istovremeno uputiti ponuđaču ORKA d.o.o. Sarajevo u skladu sa članom 70. stav (6) Zakona o javnim nabavkama Bosne i Hercegovine.

Član 3.

Odluka stupa na snagu danom donošenja.

O b r a z l o ž e n j e

Odlukom broj: 05-JN1-16-4-TB-14/26 od 26.01.2026. godine pokrenut je otvoreni postupak za pružanje usluga održavanja OWIS informacionog sistema, za potrebe Direkcije za evropske integracije.

U skladu sa Zakonom o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), Ugovorni organ je objavio obavještenje o pokretanju otvorenog postupka za pružanje usluga održavanja OWIS informacionog sistema, broj obavještenja: 231-1-2-18-3-25/26.

Komisija za javne nabavke (u daljem tekstu: Komisija) je konstatovala da je do krajnjeg roka za dostavu ponuda, na Protokol Direkcije za evropske integracije, pristigla samo ponuda ponuđača ORKA d.o.o. Sarajevo.

Nakon pregleda ponude, Komisija konstatuje da je ponuđač ORKA d.o.o. Sarajevo u svojoj ponudi broj: JN-02-OTV-9/26 od 09.03.2026. godine, na stranici 10 ponude dostavio dokument pod nazivom „Tehnička i profesionalna sposobnost – član 50. Zakona / Izjava o tehničkom stručnjaku – Mirza Pećanac“. U navedenoj izjavi je navedeno da se za predloženog tehničkog stručnjaka dostavlja ovjerena kopija diplome kao dokaz o ispunjavanju uslova u pogledu stručne spreme.

Komisija je uvidom u dostavljenu dokumentaciju utvrdila da je u ponudi dostavljena fotokopija diplome izdane od Američkog univerziteta u Bosni i Hercegovini za gospodina Mirzu Pećanca, koja nije ovjerena. Tenderskom dokumentacijom je propisano da predloženi tehnički stručnjak mora imati minimalno završenu visoku stručnu spremu (VSS), što se dokazuje ovjerenom kopijom diplome.

S obzirom na navedeno, Komisija je konstatovala da ponuda sadrži formalni nedostatak, jer dostavljena kopija diplome nije u obliku propisanom tenderskom dokumentacijom. U skladu sa članom 68. stav (3) Zakon o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), Komisija je ponuđaču ORKA d.o.o. Sarajevo uputila Zahtjev za otklanjanje formalnog nedostatka ponude, radi dostavljanja ovjerene kopije diplome.

U ostavljenom roku, ponuđač ORKA d.o.o. Sarajevo dostavio je ovjerenu kopiju diplome za gospodina Mirzu Pećanca. Komisija je, nakon uvida u dostavljeni dokument, konstatovala da je ponuda ponuđača ORKA d.o.o. Sarajevo u potpunosti u skladu sa tenderskom dokumentacijom i da je prihvatljiva.

U skladu sa Pravilnikom o uspostavljanju i radu Komisije za nabavke, Komisija je izvršila ocjenu i odabir najpovoljnije ponude za pružanje usluga održavanja OWIS informacionog sistema, te sačinila Zapisnik s detaljnim obrazloženjem odabira.

Poštujući tendersku dokumentaciju i Obavještenja o nabavci koja su objavljena na Portalu javnih nabavki, a kojom je predviđeno održavanje E-aukcije, Komisija je konstatovala da je do utvrđenog krajnjeg roka za dostavu ponuda pristigla 1 (jedan) prihvatljiva ponuda, te na osnovu Pravilnika o uslovima i načinu korištenja E-aukcije, E-aukcija se ne može zakazati, nego se postupak javne nabavke okončava dodjelom Ugovora.

Stoga, Komisija je dala preporuku direktorici Direkcije za evropske integracije da donese odluku o izboru najpovoljnijeg ponuđača ORKA d.o.o. Sarajevo za pružanje usluga održavanja OWIS informacionog sistema, te da sa istim zaključi Ugovor za pružanje predmetnih usluga u iznosu od 14.400,00 KM bez PDV-a.

U postupku ocjene provedenog postupka nisu uočene nepravilnosti niti propusti u radu koji bi eventualno bili osnova za neprihvatanje preporuke Komisije za predmetnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Ugovor za pružanje usluga održavanja OWIS informacionog sistema dodjeljuje se ponuđaču ORKA d.o.o. Sarajevo po ukupnoj cijeni ponude u iznosu od 14.400,00 KM bez PDV-a.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 10 (deset) dana od dana prijema ove odluke.



Dostaviti:

1. Ponuđaču ORKA d.o.o. Sarajevo
2. Na Internet stranicu Direkcije za evropske integracije
3. a/a